

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10) i tačke 4.2. Memoranduma o uvođenju metodologije Budžeta za građane u Zeničko-dobojskom kantonu, broj: 02-28-8855/15, od 02.07.2015. godine, na prijedlog Ministarstva finansija, Vlada Zeničko-dobojskog kantona, na 47. sjednici, održanoj dana 18.03.2016. godine, d o n o s i

O D L U K U

o uvođenju metodologije za izradu Budžeta za građane u Zeničko-dobojskom kantonu

Član 1.

(Predmet)

Ovom odlukom prihvata se dokument Budžet za građane za 2016. godinu, izrađen na osnovu Memoranduma o uvođenju metodologije Budžeta za građane u Zeničko-dobojskom kantonu, potpisanom između „EDE – Agencije za razvoj preduzeća“ Banja Luka i Vlade Zeničko-dobojskog kantona.

Član 2.

(Nastavak aktivnosti)

U cilju podizanja nivoa transparentnosti i odgovornosti kantonalne uprave, povećanja stepena informisanosti građana i njihovog učešća u definisanju budžetskih prioriteta, planiranju, raspodjeli i trošenju budžetskih sredstava, Vlada, shodno opredjeljenju da se proces izrade dokumenta pristupačnog građanima definiran Memorandumom o uvođenju metodologije Budžeta za građane u Zeničko-dobojskom kantonu, podržava nastavak aktivnosti na izradi Budžeta za građane u kontinuitetu u slijedećim godinama.

Član 3.

(Donošenje Uputstva)

Ovlašćuje se ministar Ministarstva finansija, da donese Uputstvo o načinu postupanja i rada kantonalnih organa uprave u postupku pripreme i izrade Budžeta za građane Zeničko-dobojskog kantona u narednom periodu, u skladu sa budžetskim kalendarom.

Član 4.

(Realizacija)

Za provođenje ove odluke zadužuje se Ministarstvo finansija Zeničko-dobojskog kantona.

Član 5.

(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-6325/16.

Datum, 18.03.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo finansija,

1x Svim budžetskim korisnicima,

1x "Službene novine Zeničko-dobojskog kantona",

1x a/a.